

Supervizor za Brčko Distrikt pohvalio Skupštinu Brčko Distrikta zbog usvajanja ključnih finansijskih zakona



Prvi zamjenik visokog predstavnika i supervizor za Brčko Distrikt, Bruce G. Berton, pohvalio je Skupštinu Brčko Distrikta zbog usvajanja Zakona o fiskalnim sistemima, Zakona o računovodstvu i reviziji, Zakona o deviznom poslovanju i Zakona o izmjenama i dopunama Zakona o platnim transakcijama.

“Zakoni iz finansijskog sektora koje je usvojila Skupština Brčko Distrikta će dodatno integrirati Brčko Distrikt u pravni sistem BiH, pomoći provedbu ekonomskog programa BiH koji je dogovoren s MMF-om i, što je možda najvažnije, ojačati Distrikt osiguravajući mu efikasne instrumente za veću transparentnost, borbu protiv sive ekonomije i osiguranje prihoda čime će se pomoći u poboljšanju usluga koje organi vlasti pružaju svim građanima Distrikta”, rekao je prvi zamjenik visokog predstavnika i supervizor Berton.

Uzimajući u obzir značaj usvojenih zakona, kao i da je njihovo usvajanje bitno i za druge programe na nivou BiH, prvi zamjenik visokog predstavnika/supervizor apelira na sve nadležne organe vlasti da ulože maksimalne napore kako bi osigurali njihovu što bržu implementaciju.